



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 57. Epistolæ gratulatoriæ Innocentii XII. Pontificis ad Franciæ & Poloniæ Reges.

[urn:nbn:de:hbz:466:1-67627](#)

Sæc. XVII.

A. C. 1698.

§. LVII.

*Epiſtolæ gratulatoriæ Innocent. XII.
Pontificis ad Franciæ & Poloniæ Reges.*

Quamvis Innocentius XII. summus Pontifex non sine magno animi sui mærore intellexisset, in Siamensi Regno uberrimæ messis spem penitus emarcuisse, Virosque Apostolicos inde expulsoſ, Bondicherium profugere compulſoſ eſſe, dolorem tamen non-nihil temperabant Augusti Poloniæ Regis literæ, quas Lobzovii anno priori exaratas Barberinus Cardinalis summo Pontifici tradiderat; in iis enim Rex significabat, „quod jam a pluribus annis sectam ejurare decreverit, tandem vero in manib⁹ Christiani Augusti Jaurinensis Episcopi publice Wratislaviae fidem Catholicam professus sit, haud dubius, quin sicut Angeli super peccatore pœnitentiam agente lætanatur, ita & Sanctitas sua non sine animi lætitia perceptura sit, quod veritatem & fidem Catholicam coram hominibus confessam, etiam coram Deo Patre, & Filio, ejusque Vicario confiteatur; placeat igitur Sanctitati suæ testimonium hujus veritatis reddere, ac quæ hucusque clam de ejus con-

„Ver.

„versione inaudiit, prædicare super Sæc. XVII.
„tecta:,, postea Rex Pontifici expone- A.C. 1698.
bat, quod quidem Polonicæ Reipublicæ
Proceres hujus Regni coronam ejus
imposuissent capiti, illam vero acce-
ptare differat, donec a sua Sanctitate
benedictionem recepisset, palamque
fecisset, se obsequiosissimum Sacræ Sedis
Filium esse. Ad has literas Pontifex
die decima octava Januarii rescribens,
Regem amplis elogiis honorabat, ac
Baronem de Ge Poloni Regis Orato-
rem summis honoribus exceptit, etiamsi
Franciæ Orator contra Daviam Apo-
stolicum in Polonia Nuntium acerbe
questus esset, quod contra Contium
Franciæ Principem novi Regis electio-
nem immodeco Zelo promovisset: Ve-
rum flocci habebantur hæ querelæ;
certo enim Pontifici compertum erat,
quod hic Nuntius duntaxat sectæ eju-
rationem a Rege factam, atque a Jau-
rinensi Episcopo subscriptam suo quoque
testimonio firmasset: Augebatur insu-
per summi Pontificis lætitia ob Religio-
nis caussam a Galliarum Rege in Rys-
wicensi pace promotam; quo circa ei-
dem gratulatorias rescripsit literas, ei-
demque fidei Catholicæ propagatio-
nem ulterius impense commendavit:
ut vero grati sui animi testimonium
redderet, ad Bisuntinum Episcopatum

Gg 4

no-

Sæc. XVII. nominandi jus, antea Capitulo indul.
A. C. 1698. tum, Regi concessit, ne non Cardina-
 lem Bullionum Romæ multis cumu-
 lavit Beneficiis. Cum autem Pontifici
 haud incompertum esset, quod Cardi-
 nalis Radziewiskius Regni Primas, ac
 nonnulli Procerum alienos a Friderici
 Augusti Poloniæ Regis obsequio ani-
 mos retinerent, Paulutium suum antea
 Coloniæ Nuntium ad hoc Regnum de-
 crevit, haud poenitendo selectu; hujus
 enim Viri opera & dexteritate effectum,
 ut post varias tractationes Lovitii ha-
 bitas utrinque in has reconciliationis
 leges conveniretur. I. Regina, prius-
 quam in Poloniam veniret, fidem Ca-
 tholicam amplecteretur. II. Prädi-
 cantes Lutherani e Regiis castris ex-
 pellerentur. III. Rex electionum jura
 & suffragiorum libertatem servaturum
 se, idonee caveret. IV. Expen-
 das in sui electionem factas non repe-
 teret, & nationis copiis residuum æs
 militare numeraret. V. Kaminieckum
 & Podoliam suis copiis Regno recupe-
 rare satageret. VI. Officia & beneficia
 duntaxat Catholicis Polonis concederet,
 non exclusis Nobilibus antea sibi ad-
 versis. Acceptatis hisce, aliisque con-
 ditionibus Papæ Nuntius Primatem ac
 primæ notæ Nobiles fœderationis so-
 cios ac Principes Varsaviam die vige-
 sima

sima secunda Maij ad Regem deduxit, Sæc. XVII.
a quo perbenigne excepti, fidei homa- A.C. 1698.
gium exsolverunt, ac Regno exopta-
tam pacem reddidere.

Sub idem ferme tempus sedente Ursino Cardinale Beneventano Archiepiscopo eruebatur urna, in qua Corpus sancti Bartholomæi Apostoli reconditum a nonnullis credebatur, unde idem Archiepiscopus desuper decretum assentientibus Episcopis sibi subjectis promulgavit, cuius tamen haud magna habebatur ratio, partim quod ejusdem sancti Corpus Romæ in Templo P. Franciscanorum ad Insulam repositum, passim crederetur, partim quod fidelium devotione in Deum in Sanctis suis mirabilem, non in ossa in Altaribus exposita tenderet. Denique summo Pontifici per Reipublicæ Oratorem nuntiatum est, quod Veneta classis initio prælio cum Turcis in Ægeo mari insignem victoriam die vigesima Octobris reportarit, pluraque barbarorum navia aut discerpserit, aut fugarit.

§. LVIII.

*Alberti Paulucci Altieri Cardinalis
obitus.*

Luxerat hoc anno Sacrum Purpurato- Lexicon
rum Collegium mortem Alberti Univ.

Gg 5

Pau. Lit. A.